

ASUNTO: decreto ampliación prazos lixo 1º bim e IVTM 2020

DECRETO

Visto o informe emitido pola Tesoureiría Municipal, do teor literal seguinte:

INFORME DE TESOUREIRÍA

“ASUNTO: INFORME EN RELACIÓN Á NECESIDADE DE MODIFICACIÓN DO PERÍODO VOLUNTARIO DE PAGO DO PADRÓN DE LIXO 1º BIMESTRE 2020 E DO IMPOSTO SOBRE VEHÍCULOS DE TRACCIÓN MECÁNICA DO EXERCICIO 2020”.

LEXISLACIÓN APLICABLE.

- Lei 7/1985, do 02 de abril, reguladora das Bases do Réxime Local.
- Real Decreto-Legislativo 781/1986, do 18 de abril, polo que se aproba o texto refundido de disposicións legais vixentes en materia de réxime local.
- Real Decreto-Legislativo 2/2004, do 05 de marzo, polo que se aproba o texto refundido da Lei Reguladora das Facendas Locais.
- Real Decreto 2568/1986, do 28 de novembro, polo que se aproba o Regulamento de Organización, Funcionamento e Réxime Xurídico das Entidades Locais.
- Lei 58/2003, do 17 de decembro, Xeral Tributaria.
- Real Decreto 929/2005, de 29 de xullo, Regulamento Xeral de Recadación.
- Lei 5/1997, de 22 de xullo, de Administración Local de Galicia.
- Real Decreto 128/2018, de 16 de marzo, de Réxime Xurídico dos Funcionarios de Administración Local con Habilitación de carácter Nacional.
- Real Decreto 463/2020, de 14 de marzo, polo que se declara o estado de alarma para a xestión da situación de crise sanitaria ocasionada polo Covid-19.
- Real Decreto-Lei 8/2020, de 17 de marzo, de medidas urgentes extraordinarias para facer fronte ao impacto económico e social do Covid-19.

ANTECEDENTES.

PRIMEIRO.- O Real Decreto 463/2020 do 14 de marzo declarou o estado de alarma en todo o territorio nacional. Na súa disposición adicional terceira, estableceu a suspensión de quince días, de prazos administrativos para a tramitación dos procedementos das entidades do sector público durante o prazo de vixencia do estado de alarma e, no seu caso, das prórrogas que se adoptaren.

A suspensión de termos e a interrupción de prazos aplícase a todo o sector público definido na Lei 39/2015, do 1 de outubro, do Procedemento Administrativo Común das Administracións Públicas. Isto levou ás entidades locais a entender comprendidos na devandita regulación aos procedementos tributarios das súas respectivas Facendas.

Con todo, o Real Decreto 465/2020 do 18 de marzo, que veu a modificar o Real Decreto 463/2020 do 13 de marzo polo que se declara o Estado de Alarma para a xestión da situación de crise sanitaria ocasionada polo COVID-19, deixou constancia da explícita exclusión da devandita regulación dos procedementos tributarios por tratarse de normativa especial.



DOCUMENTO
FIRMADO
DIGITALMENTE
La autenticidad de este documento
se puede comprobar con el código
07E40004F03800F9F8K0O3S7O9
en la Sede Electrónica de la Entidad

FIRMAS Y FECHAS

JOSE TOME ROCA-Alcalde-Presidente - 07/04/2020
JOSE ANTONIO MOURELLE CILLERO-Secretario - 07/04/2020
serialNumber=S2833002E,CN=Sello de tiempo TS@ - @firma,OU=Secretaría General de Administración
Digital,O=Secretaría de Estado de Función Pública,C=ES - 07/04/2020 18:00:30

DECRETO: 2020000517
Fecha: 07/04/2020
Hora: 18:00
Persona 76561868C





SEGUNDO.- Con data 17 de marzo aprobouse a Real Decreto-Lei 8/2020, do 17 de marzo, de medidas urxentes extraordinarias para facer fronte ao impacto económico e social do COVID-19. De acordo coa súa exposición de motivos, “é preciso adoptar medidas que proporcionen a necesaria flexibilidade para o axuste temporal das empresas co fin de favorecer o mantemento do emprego e reforzar a protección dos traballadores directamente afectados. Nas próximas semanas moitas empresas van enfrontar a importantes tensións de liquidez derivadas dunha caída das súas vendas, procedentes tanto dunha menor demanda como da interrupción da produción, por exemplo, por falta de subministracións ou por rescisión de determinados contratos. Faise por tanto indispensable adoptar determinadas medidas para reforzar a liquidez do tecido produtivo e evitar a saída do mercado de empresas solventes afectadas negativamente por esta situación transitoria e excepcional”.

TERCEIRO.- Con todo, a pesar desa declaración de intencións, no ámbito local a regulación foi escasa, todo o máis, produciuse unha ampliación de prazos para procedementos xa iniciados á data da aprobación do Real Decreto-Lei 8/2020 ata o 30 de abril.

En caso de procedementos novos de aplicación de tributos (incluídos novas premas ou embargos, que non se paralizan segundo o Real Decreto-Lei 8/2020), a ampliación de prazos levaría ao 20 de maio.

Dita regulación non afecta aos prazos de pago en período voluntario das débedas de notificación colectiva e periódica regulados no artigo 62.3 da Lei 58/2003, de 17 de decembro, Xeral Tributaria.

CUARTO.- No Concello de Monforte de Lemos iniciase o próximo 13 de abril o período voluntario de pago do Imposto sobre vehículos de tracción mecánica (IVTM) ata 14 de xuño .

QUINTO.- O período voluntario de pago da taxa pola recollida de lixo 1º bimestre 2020 iníciase dende o día 27 de abril ata o 29 de xuño.

Á vista do exposto, como Tesoureira do Concello de Monforte de Lemos, en cumprimento das funcións que lle atribúe o Real Decreto 128/2018, de 16 de marzo, de Réxime Xurídico dos Funcionarios de Administración Local con Habilitación de carácter Nacional a funcionaria que subscribe,

INFORMA:

PRIMEIRO.- O artigo 62.3 da Lei 58/2003, de 17 de decembro, Xeral Tributaria establece que:

“O pago en período voluntario das débedas de notificación colectiva e periódica que non teñan establecido outro prazo nas súas normas reguladoras deberá efectuarse no período comprendido entre o día uno de setembro e o 20 de novembro ou, se este non fose hábil, ata o inmediato hábil seguinte.

A Administración tributaria competente poderá modificar o prazo sinalado no parágrafo anterior sempre que devandito prazo non sexa inferior a dous meses”.

SEGUNDO.- A Ordenanza Fiscal Xeral no seu artigo 13 establece que:

“1.- Con carácter xeral establécese que os períodos para pagar os tributos de cobro periódico, será o seguinte:

- a) Taxa pola recollida de lixo 1º bimestre 2020: do 27 de abril ó 29 de xuño.
- b) Imposto sobre vehículos de tracción mecánica: do 13 de abril ó 14 de xuño.
- (...)





Coa indicación de que no caso de que as datas de inicio ou fin sexan coincidentes cun día festivo, trasladaranse as mesmas á data hábil máis próxima”.

2.- As variacións nos períodos de pago sinalados no punto anterior serán aprobados pola Xunta de Goberno Local.

TERCEIRO.- Por Decreto da Alcaldía de data 23 de marzo de 2020 dispúxose, entre outros extremos:

Revocar as delegacións das atribucións da Alcaldía feitas na Xunta de Goberno Local do Concello de Monforte de Lemos, por decreto da Alcaldía de data 17 de xuño de 2019.

CUARTO.- Dada a situación de excepcionalidade que se está a producir, o período voluntario de pago da taxa de lizo 1º bimestre 2020 e do Imposto sobre Vehículos de tracción mecánica (IVTM) modificaríase de forma que abranguería desde o 1 de xuño ao 31 de xullo.

Polo tanto, enténdese que procede que polo Alcalde se acorde a modificación do período voluntario de pago da taxa pola recollida de lixo 1º bimestre 2020 e do Imposto sobre vehículos de tracción mecánica (IVTM) do exercicio 2020 de acordo co exposto».

Polo anteriormente exposto e en virtude das atribucións que me confire o art. 21 da Lai 7/1985, de 2 de abril, reguladora das bases de réxime local e con base no informe anteriormente transcrito,

DISPOÑO:

PRIMEIRO.- Modificar o período voluntario de pago de taxa de lixo do 1º bimestre de 2020, con base no disposto no artigo 62.3 da Lei 58/2003, de 17 de decembro, Xeral Tributaria, sendo o novo período o comprendido entre o 1 de xuño e o 31 de xullo de 2020.

SEGUNDO.- Modificar o período voluntario de pago do Imposto sobre vehículos de tracción mecánica (IVTM) con base no disposto no artigo 62.3 da Lei 58/2003, de 17 de decembro, Xeral Tributaria, sendo o novo período o comprendido entre o 1 de xuño e o 31 de xullo de 2020.

TERCEIRO.- No caso de que calquera das datas indicadas sexan coincidentes cun día festivo, trasladaránse as mesmas ó día hábil posterior.

CUARTO.- Déase traslado ás dependencias e ós servizos municipais afectados.

Monforte de Lemos, a data da sinatura dixital.

MONFORTE DE LEMOS, data da sinatura do Sr. Alcalde
Ordena e asina o Sr. Alcalde
Certifica e asina o Sr. Secretario



FIRMAS Y FECHAS

